

УЮШМА ФАОЛИЯТИДАН



ЯНГИ ЙИЛ АРАФАСИДА

Ўзбекистон Журналистлар уюшмаси раиси в.б. Холмурод Салимов Уюшма марказий аппарати жамоаси ходимларига Янги йил совғаларини топширди.

Шу муносабат билан ташкил этилган тадбирда Уюшма масъули якунига етган 2024 йил давомида Уюшма томонидан кенг қўллаб-қувватлаш ва журналистика соҳасини ривожлантириш чора-тадбирлари тўғрисидаги қарори муҳим аҳамият касб этаётганини алоҳида таъкидлаган Х. Салимов 2025 йилда Уюшма ва унинг худудий бўлимлари олдига катта вазифалар қўйилаётгани, айни ишлар ҳамжиҳатликда, ҳамкор ташкилотлар билан биргаликда юқори савияда амалга оширилишига ишонч билдирди.

Журналистика соҳаси ривожидан Президентимиз Шавкат Мирзиёевнинг 2022 йил 27 июндаги “Оммавий ахборот воситаларини қўллаб-қувватлаш ва журналистика соҳасини ривожлантириш чора-тадбирлари тўғрисида”ги қарори муҳим аҳамият касб этаётганини алоҳида таъкидлаган Х. Салимов 2025 йилда Уюшма ва унинг худудий бўлимлари олдига катта вазифалар қўйилаётгани, айни ишлар ҳамжиҳатликда, ҳамкор ташкилотлар билан биргаликда юқори савияда амалга оширилишига ишонч билдирди.

— Байрам совғалари олганимиздан хурсандимиз, — деди Уюшма марказий аппарати бош мутахассиси Лариса Арутюнова. — Ушбу ташкилотда иш бошлаганимга 50 йилдан ошди, бундан



фахрланаман. Шунинг алоҳида таъкидлашни истардимки, йилдан-йилга уюшмамизда иш ҳажми ошиб бормоқда. Ана шу ишларни — олдимишга қўйилаётган янгидан-янгидан вазифаларни аҳил-иноқ, ёшариб бораётган жамоадoshларимиз билан уйдалаб келаётганимиздан мамнун бўламан. Уюшма ходимлари — оила аъзоларимдек бўлиб қолган. Фурсатдан фойдаланиб, барча жамоа-

дошларимни, юртдошларимизни Янги йил байрами билан самимий муборакбод этаман. 2025 йил ҳаммамизга омадли келсин, юртимиз тинч бўлсин, халқимиз турмуш фаровонлиги юксалаверсин.

Ўзбекистон Журналистлар уюшмаси
Ахборот хизмати.

ФИКР

“HURRIYAT” – ЎЗЛИГИМИЗНИ АНГЛАТУВЧИ НАШР

Хуррият — эркинлик, ўзлик ва мустақилликни билдиради ҳамда ҳар бир халқ учун мўлжалланган фундаментал қадриятларнинг энг муҳимларидан биридир. Ўзликимизни англатувчи шу номдаги газетамиз эса нафақат ахборот манбаи, балки халқимизнинг тарихини, маданиятини ва урф-одатларини оммалаштиришда ажралмас воситадир. Бундай газеталар, ўз халқимизнинг ўзига хослигини, миллий ғурурини ва тарихий анъаналарини ёритиш орқали, эркин фикр уйғотиши, ўзлик ҳис-туйғуларини ривожлантиришга хизмат қилади.

Ўзликни англатувчи нашр, ўз халқимизга хос бўлган маданий анъаналар, урф-одатлар, тил ва адабиёт каби турли жиҳатларни ёритишда жуда муҳим аҳамиятга эга. Ўзбекистоннинг тарихий воқеалари, шунингдек, адабиёт ва санъат соҳасидаги ютуқлари-



миз ҳақида хабардор бўлиш жуда муҳим, албатта. Бундай газеталарда, анъанавий санъат ва маданият намуналари, маҳаллий ижодкорлар ва актрисаларнинг интервьюлари ҳам эътиборга олинади. Ўзбек халқининг бой маданияти ва тилларнинг гўзаллиги, бунга восита сифатида, мустақил газеталар орқали

ажралмас бўлиб хизмат қилади.

Умуман олганда, “Hurriyat” — ўзликимизни англатувчи газетадир. У халқимиз ўзликни англашишда ҳамда эркин фикр алмашинувини таъминлашда муҳим восита. Шунинг учун ҳам мамлакатимиздаги ягона мустақил нашр ҳисобланган “Hurriyat” сеvimли газетам ҳисобланади. Ундаги очиқлик, дангаллик ва ўзига хос услуб кўпчилик сингари менга ҳам ёқади. Шу боис келаётган йилда ҳам уни ўқиб бориш ниятида обуна бўлдим. Зеро, газетасиз соғлом ахборот, фикр, мусохаба майдонини тасаввур қилиш қийин. “Газета нима керак?” дейдиганларга эса ачинаман холос. Ахир, фақат телефонга термулиб ўтириш кулфат. Газета — журнал эса нур, зиё демакдир.

Мухаммад Али РУЗИБАЕВ,
Ўзбекистон “Миллий тикланиш”
демократик партияси аъзоси.

ДИЛДАГИ ГАП

Ота-она қадрини ҳеч қачон унутмайлик!

Ёш эдик. Бола эдик. Боғчага борар эдик. Болаликнинг беғубор онлига, ойнадек тоза ҳисларига ошно эдик. Тарбиячимиз ўргатган “Шолғом” эртагини, ота-онамиз ишдан келса, ака-укалар билан театр кўришида ижро этишга маҳтал эдик.

Ёш эдик. Бола эдик. Боғчага борар эдик. Ўзбекистон мадҳиясини жамоа билан бирга айтгандаги юрагимиз ҳапқиргани. Уйга келиб фарзандлар жўр бўлиб, ота-оналаримиз ишдан келганда қўлларимиз кўксимизда айтиб беришга маҳтал эдик.

Ёш эдик. Бола эдик. Мактабга борар эдик. Устозимиз Алифбедаги катта “А”, кичик “а” ҳарфини минг машаққат билан ҳар бир ўқувчига ўргатди. Энди биз ҳам ўқишни биламиз. Китобларни ўзимиз мутлола қиламиз деб китоб варақларидан фақатгина “а” ҳарфини топиб, ота-оналаримизга кўрсатганда уларнинг биз каби хурсандчилигини айтмайлигимиз...

Ёш эдик. Бола эдик. Мактабга борар эдик. Устозимиз “ана”, “мана”, “нон” сўзларини ўқишни ўргатганда мақтанаш учун яна ота-оналаримиз ишдан келишини маҳтал кутардик. Ҳар бир ўрганган сабоқларимиз уларнинг ҳам юзидан акс етарди. Мақтовлари эса бизни янада яхши ўқишга, илм олишга иштиёқ уйғотарди.

Ёш эдик. Навқирон эдик. Олий ўқув юрти талабаси бўлдим. Ота-онамиз биздан кўра икки чандон хурсанд эди. Фарзандимиз талаба бўлди, деб. Ўқиш ва амалиётни биргаликда олиб бориш, ҳозирги олаётган билим, кўникмалар келгуси фаолиятда асқотишини тушунтириш учун ота-оналаримиз йўлимизга маҳтал эди. (Аслида чархпалак терс айланиб, энди ота-оналарнинг фарзандини интиқ қутиши шу даврдан бошланадими экан).

Ёш эдик. Навқирон эдик. Олий ўқув юртини тамомладик. Энди нуфузли ташкилот ходимимиз. Ўзимизча ҳамма нарсани биламиз. Ота-она насиҳати қулоққа кирмайди. Уларнинг хурсандчилиги бисёр. Барчага айтиб юради фарзандим шу ерда ишляпти дея, қувониб. Ўзлари эса йўқлашимизга маҳтал. Борганимизда нималарнидир айтади, сўрайди. Биз эса мағруримиз. Мендан сўрапти, демак мен зўр би-

ламан, деймиз мағрурона...

Ёш эдик. Навқирон эдик. Қишлоқ торлик қилади. Сершовкин, гавжум, цивилизациялашган шаҳар домига тортади. Дастлаб ҳар ҳафта, кейин ҳар ой кейин йилда бир ота-онамизни йўқлаймиз. Улар яна нималарнидир айтиш учун йўлимизга маҳтал...

Биз эса: шуни телефонда айтсангиз ҳам бўлар эди-ку, деймиз. Аслида улар дийдоримизга маҳтал. Ҳар сўзимизга, ёшлик уфуриб, ёниб турган кўзимизга маҳтал...

Болалигимизда енгил уст-бош билан ота-оналаримизнинг келишини интизор кутганимизда, ўрганган нарсаларимизни уларга кўрсатиш учун иссиқ-совуққа эътибор бермас эдик...

Бугун эса улар офтоб уриши, совуқ ўтишига бепарво. Дийдоримизга тўйиш учун енгил кийим билан кун совуқдан совуқ, тиззагача қор бўлишига қарамай, оёғига ёзги шиппакни илиб, тиззагача қор кечиб, ўзлари совуқдан қалтираб, йўл қараб, келишимизга маҳтал. Биз эса ўша юқоридидаги гап. Телефонда айтсангиз ҳам бўлар эди-ку, дейимиз-а!

Ота-оналаримизни борда қадрайлик! Умр қисқа эмас, жуда ҳам қисқа!

Баҳром БОЙМУРОДОВ,
Ўзбекистон Журналистлар уюшмаси аъзоси.

ҚУТЛОВ



ЎЗБЕКИСТОН ЖУРНАЛИСТЛАР УЮШМАСИ ЖАМОАСИ

азиз халқимизни, мамлакатимиз Оммавий ахборот воситаларида қалам тебратаётган барча журналистлар ва ижодкорларни остонада эшик қоқиб турган Янги – 2025 йил билан муборакбод этади!

Пойдевори мустаҳкам тарзда бунёд этилаётган

Янги Ўзбекистонда сўз ва матбуот эркинлигини янада

ривожлантириш, очиқлик ва ошқоралик тамойилларига эришиш,

янгиликларни жараёнларини кенг ёритишдаги масъулиятли

ишларида ижод аҳлига зафарлар тилайди.

Меҳнаткаш ва танти халқимиз доимо омон бўлсин,

ҳамма-ҳаммага бахт-саодат, мустаҳкам соғлиқ,

ижодий баркамоллик тилайди.



ЎЗБЕКИСТОН ДАВЛАТ ЖАҲОН ТИЛЛАРИ УНИВЕРСИТЕТИ ЖАМОАСИ

барча педагогларни, профессор ўқитувчиларни, билим олиш йўлида тер тўкаётган талаба-ёшларни кириб келаётган 2025 йил байрами билан самимий табриклайди.

Мамлакатимизни дунёга янада танитишда, ривожлантиришда, олий ўқув юртимизда таҳсил олган, ҳозирда таълим олаётган чет тиллари билимдонлари бўлган мутахассисларнинг ўрни ва аҳамияти жуда каттадир.

Илм-фан ва таълимга юксак эътибор берилаётган Янги Ўзбекистонимиз бундан-да тараққий этаверсин. Осмонимиз мусаффо, тинчлигимиз барқарор бўлаверсин! Янги йилда барчага омад, бахт-саодат ёр бўлсин!



ҚОРАҚАЛПОҚ ДАВЛАТ УНИВЕРСИТЕТИ ЖАМОАСИ

юртдошларимизни, илм аҳлларини, келажагимиз умидлари бўлган ёшларни кириб келаётган

2025 йил

билан муборакбод этади.

Янги Ўзбекистон пойдеворини барпо этиш ғояси атрофида янада жипслашиб олиб бориладиган улкан вазифалар бажарилиши йўлида барчангизга зафарлар ёр бўлсин! Янги йилда юртимизда тинчлик-осойишталик барқарор бўлсин, фаровон ва обод юртимиз янада гуллаб-яшнайверсин! Йил сайин кўркамлашиб бораётган Орол бўйлари яшилликларга бурканаверсин! Янги йил барчага омад, фақат яхшиликлар олиб келсин!



